


# 冊府元龜

六十九之七十一



漢書門類			
五三四五	五三六	一	三〇〇
函	架	冊	冊

內閣文庫			
五三四五	三〇〇	函	九
冊	架	冊	架

內閣文庫	
番號	漢 5345
冊數	300 ( 21 )
函號	365 6

廿一



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



冊府元龜



淺草文庫

淮南李嗣京參閱

西極文翔鳳訂正

豫章黃國琦較釋

帝王部

六十九

審官

書曰明王立政不惟其官惟其人又曰治亂在庶官是知求賢審官有國所重知人則哲惟帝其難故王者奉若大猷竝建百職莫不登進俊傑慎簡才德量能授事使人以器是以不能者止而能者競勸官修

其方吏善於職庶政允穆而治道康矣斯則稽古用  
又為邦之大要也原夫設官分職所以建民極而亮  
天工授方任能所以熙王度而經事典大雅之作實  
美於能官三代之隆皆繇於得士故以德詔爵以能  
詔事斯不可以不慎者也

虞舜曰咨四嶽有能奮庸熙帝之載奮起庸功載事

發其功廣堯之事使宅百揆亮采惠疇亮明惠順疇

者言舜日以別堯使君百揆之位以明亮類也求其人

庶事而順成庶類也兪曰伯禹作司空四嶽同辭

縣為崇伯入為天子司空帝曰兪咨禹汝平水土惟  
時懋哉然其所舉稱禹前功以命之禹拜稽首讓於

稷契暨臯陶稽首首至地稷田正官名棄姓帝曰兪

汝往哉兪者然其所推之賢帝曰棄黎民阻饑汝后

稷播時百穀阻厄播布也眾人之厄在饑汝后稷布

帝曰契百姓不親五品不遜五品謂五汝作司徒敬

敷五教在寬布五嘗之教務在寬所帝曰臯陶蠻夷

猾夏寇賊姦宄猾亂也夏華夏劫人曰寇殺人曰賊

汝作士五刑有服士理官也五刑墨劓剕宮大五服

三就既從五刑謂服罪也行刑當就三五流有宅五

宅三居謂不忍加刑則流放之五宅三居者流雖有

之外次千惟明克允言陶臯能明信五刑施之遠近

里之外帝王部

禹讓三臣故歷述之帝曰疇若予工僉曰聿哉問能誰順我百

番番臣名帝曰俞咨番汝共工共請供其職事番拜稽首讓于受

折暨伯與受折伯與二臣帝曰俞往哉汝諧汝能諧和此官帝曰疇

若予上下草木鳥獸僉曰益哉上謂山下謂澤順謂施其政教取之有時

伯益能之用之有節言帝曰俞咨益汝作朕虞虞掌山澤之官益拜稽

首讓於朱虎熊羆帝曰俞往哉汝諧朱虎熊羆二臣名番益所讓四

人皆在元亂之中帝曰咨四岳有能典朕三禮僉曰伯夷禮

天地人之禮伯夷夷臣名姜姓帝曰俞咨伯夷汝作秩宗秩序也郊廟之官

夙夜惟寅直哉惟清夙早也言早夜敬思其職典禮施政教使正直而清明伯

夷拜稽首讓於夔龍夔龍二臣名帝曰俞往欽哉然其賢不許讓

帝曰夔命汝典樂教胄子肯長也謂元子以下至軀

祇庸孝友直而溫寬而栗教之正直而溫和寬洪而能莊栗剛而無雲簡

而無傲剛失入虐簡失入傲教之以防其失詩言志歌永言謂詩言志以導之歌

詠其義以長其言聲依永律和聲聲謂五聲宮商角徵羽律謂六律六呂十二律之音

言當依聲律以和樂八音克諧無相奪倫神人以和倫理也八音能諧理

不相奪則神人咸和命夔使勉之夔曰於予擊石拊石百獸率舞石

也磬音至清拊亦擊也舉清者和則其餘皆從矣樂感百獸使相率而舞則神人可知帝曰龍

朕聖讒說殄行震驚朕師聖疾殄絕震動也言我疾

我衆欲遇絕之命汝作納言夙夜出納朕命惟允納言喉舌之官聽下

言納于上受上言宣于下必以信帝曰咨汝二十有二人禹番益伯夷夔龍六

册府元龜 帝王部 卷之六十九 三

人新命有職四岳十二牧職惟是欽哉惟時亮天工

比二十二二人特勅命之乃能言立三載考績三考黜陟幽明三年有成故以

天下之工否幽明有別黜退庶績咸熙分兆三苗考功九歲則能

其幽者進其明者幽闇君臣善否分功皆廣三苗

北流之不令相從

漢高祖時趙堯為符璽御史時高祖為趙王如意置

貴疆相乃徙御史大夫周昌為趙相久之高祖持御

史大夫印弄之曰誰可以為御史大夫者熟視堯曰

無以易堯言堯可為之餘人遂拜堯為御史大夫

宣帝每拜刺史守相輒親見問觀其所繇退而考察

所行以質其言實正有名實不相應必知其所以然

嘗稱曰庶民所以安其田里而亡歎息愁恨之心者

平政訟理也訟理言所訟見與我共此者其唯良二

千石乎

蕭望之宣帝時為少府帝以望之經明持重論議有

餘材任宰相欲詳試其政事乃以為左馮翊

元帝即位待詔鄭朋薦張敞先帝名臣宜傳輔皇太

子帝以問前將軍蕭望之望之以為敞能吏任治煩

亂材輕非師傳之器天子使使者徵敞欲以為左馮

翊會病卒

成帝時翟方進為丞相司直是時起昌陵營作陵邑

貴戚近臣子弟賓客多辜推為姦利者

推專也辜推者言已自專

之也人取罪有辜

方進部椽史覆案發大奸賊數千萬帝以

為任公卿

任堪也

欲試以治民徙方進為京兆尹後至

宰相

後漢光武即位以織文用平狄將軍孫咸行大司馬

衆咸不悅詔舉可為大司馬者

載織文曰孫咸征狄也

羣臣所

推唯吳漢及景丹帝曰景將軍北州大將軍是其人

也然吳將軍有建大策之勳

謂發漁陽兵也

又誅苗幽州謝

尚書其功大

苗曾謝躬

舊制驃騎將軍與大司馬相兼也

武帝置大司馬號大將軍驃騎將軍也

乃以吳漢為大司馬而拜丹為

驃騎大將軍

明帝時館陶公主為子求郎不許而賜錢千萬謂羣

臣曰郎官上應列宿出宰百里苟非其人則民受其

殃是以難之故吏稱其官民安其業遠近肅服戶口

滋殖焉

章帝建初五年五月辛亥詔曰朕思延直士側席異

聞其先至者各以發憤吐懣畧聞子大夫之志矣皆

欲置於左右顧問省納建武詔書又曰堯試臣以職

不直以言語筆札今外官多曠竝可以補任

和帝永元七年夏四月辛亥朔日有食之詔曰元首

不明化流無良政失於民謫見於天謫譴責也禮曰陽事不得謫見

于天日深唯庶事五教在寬是以舊典因孝廉之舉

以求其人武帝元和元年董仲舒初開其議詔郡國舉孝廉各一人有司詳選即

官寬博有謀才任典城者三十人任堪也音仁林反既而悉

以所選即出補長相長縣長相侯相也十三州縣為邑別令長為相秩隨令長本秩

元興元年春正月戊午引三署郎召見禁中漢官儀三署謂

五官署左右署也各置中郎將以司之郡國舉孝廉以備三署郎年五十以上屬五官其次分在左右置

凡在中郎侍郎郎中儀郎四等無員禁中者門戶有禁非侍御者不得入故謂禁中選除七十

五人補謁者長相

順帝陽嘉元年詔曰間者以來吏政不勤故災咎屢

臻盜賊多有退省所錄皆以選舉不實官非其人是

以天心未得人情多怨書歌股肱詩刺三事今刺史

二千石之選歸任三司其簡序先後精覈高下歲月

之次文武之宜務存厥衷

魏明帝詔舉中書郎謂吏部尚書盧毓曰得其人與


不在盧生耳選舉莫取有名有名如畫地作餅不可

噉也會司徒缺毓舉韓暨敦篤至行帝乃用之

晉武帝太始二年二月詔曰古者百官箴王闕然保

氏特以諫諍為職今之侍中嘗侍實處此位擇其正

色弼違能救不逮者以兼選



唐彬爲弋陽太守明設禁防百姓安之以母喪去官益州東接吳寇監軍位缺朝議用武陵太守楊宗及彬武帝以問散騎嘗侍文立立曰宗彬俱不可失然彬多財欲而宗好酒惟陛下裁之帝曰財欲可足酒者難改遂用彬華嘗爲太嘗尋以疾求解詔曰太嘗職主宗廟蒸嘗敬重而華嘗所疾不堪親奉職事夫子稱吾不與祭况宗伯之任職所司邪今轉嘗爲廷尉後魏道武天興元年秋八月帝臨昭陽分置衆職引朝臣文武親自揀擇量能叙用

太武神麌元年春正月以天下守令多行非法精選忠良悉代之孝文謂公孫良曰頃年用人多乖觀才之授實是繇人而授以文官黜同大例於理未均諸如此比黜官如初

穆亮爲侍中尚書左僕射於時復置司州孝文曰司州始立未有僚吏須立中正之任必須德望兼資者以定選舉然當在始祖時崔浩爲翼州中正長孫高爲司州中正可謂得人公卿等宜自相推舉必令稱允尙書陸叡舉亮爲司州大中正

廣陵王羽爲太保錄尙書事孝文嘗顧謂羽曰考課



之上下二等可爲三品中等但爲一品所以然者上下是黜陟之科故旌絲髮之美中等官本事可大通羽先呈廷尉五局司直帝曰夫刑獄之難實惟自古必也斷訟夫子所稱然五局所司專主刑獄比聞諸風聽多論五局不精知人之難朕豈獨決嘗與羣臣同之卿等各陳所聞又謂羽及少卿鄧述曰五局司直卿等以爲何品羽對曰諸司直竝簡聖心往者百官初置擢爲獄官聽訟察詞無大著越所以爲二等者或以親事利鈍或以見機遲速朝廷既有九品之制故計其絲髮之差以爲品第統論所得大都相似

帝曰朕頃年以其人識見可取故簡司獄官小優劣不足爲差然廷尉所司人命之大事須心平性正抑強哀弱不避貴勢直情折獄者可爲上等今欲聽探風謠虛實難悉苟欲不採事無所據然人言惡者未必是惡言善者未必是善所以然者或斷訟不避豪貴故人以爲惡或將勢抑賤人以爲好然朕之聽皆貴者是以遲迴三復良繇於此局事須永清玉潔明揚褒貶卿等既是親典邪正得失悉所具之可精辨以聞鄧述對曰陛下行賞得人餘皆甘心若賞不能盡無以勸厲如臣愚見願不行賞帝曰朕昔置此官

許三年考陟必行賞罰既經今考若無黜陟恐正直者莫肯用心邪曲者無以改肅自非擇之於公何能盡其至理雖不可精其微致且望粗有殿最諸尚書更與羣臣善量所以

太和十九年十月壬戌詔諸州牧精品屬官考其得失爲三等之科以聞將親覽而升降焉

宣武延昌中臨朝堂親自黜陟授明亮勇武將軍亮進曰臣本官嘗侍是第三清今授臣勇武其號甚濁且文武又殊請更改授帝曰今依勞行賞不能清濁卿何得復以清濁爲辭亮曰聖明在上清濁故分臣

旣屬聖明是以敢啓帝曰九流之內人咸君子雖文武號殊佐治一也卿何得獨欲乖衆妄自相親所請未可但依前授亮曰今江左未賓書軌宜一方爲陛下投命前軀拓定吳會官爵陛下之所輕賤命微臣之所重陛下方收所重何惜所輕帝笑曰卿欲爲朕拓定江東揃平蕭術揃平拓定非勇莫可今之所授寔副卿言辭勇不乃自相矛盾亮曰臣欲仰稟聖規運籌而定何假勇武方乃成功帝曰謀勇二事體本相須若勇而無謀則勇不獨舉若謀而無勇則謀不孤行必須兼兩乃能制勝何得云偏須運籌而不復

假勇乎亮曰請改授平遠將軍帝曰運籌用武然後  
遠人始平卿但用勇平之何患不復平遠也亮乃陳  
謝而退

孝明神龜中辛雄除尚書駕部郎中轉三公郎其年  
沙汰郎官務精才實唯雄與羊深等八人見留餘悉  
罷遣

前廢帝普太元年四月己未於顯揚殿簡試通直散  
騎嘗侍散騎侍郎通直郎剝員非才者他轉之自天  
下多事東西二省官員委積帝勅羊深與嘗侍盧道  
處元晏元法等選人補定自奉朝請以上各有沙汰

唐太宗貞觀二十二年幸翠微宮授司農卿李緯爲  
民部尚書房玄齡時在京城留守會有自京師來者  
帝問曰玄齡聞李緯拜尙書如何對曰玄齡但云李  
緯好髭鬚更無他語帝遽改授緯雒州刺史

高宗龍朔二年五月丙申大司憲竇德玄爲司元太  
嘗伯左肅機源直心爲奉嘗正卿劉祥道正授司刑  
太嘗伯守司宰正卿駙馬都尉薛瓘爲司宗正卿司  
刑少嘗伯侯善業爲守詳刑正卿蘭臺侍郎弘文館  
學士上官儀爲西臺侍郎掄按左相許圜師爲左相  
司列少常伯郝處俊爲太子左中護左中護賀蘭敏

之爲左侍郎弘文館學士德玄等所授官竝帝自注  
定旣而謂李勣等曰朕所授未知允當以否選賢任  
能雖帝王之所務然臣下之各進乃誠舉不失選疇  
咨僉議必盡是心上下情通何憂不理但爲永徽以  
來頗聞朋黨懲艾此事實亦生疑今不共公等商量  
則自注定自覺專固以爲媿也勣等引咎拜謝及許  
圍師等入謝帝謂曰構大厦者必藉羣材理天下者  
必資良佐比來食祿之官多不稱職或遽相朋附或  
忘公徇私庶政未康或繇於此我所以就中揀擇親  
注此官各宜用心勿踵前弊無令後人嗤失鑒也

中宗景龍元年十一月制曰共理天下者在良二千  
石宜令中書門下於內外揀擇必取材望兼優公清  
特著可以宣風導俗具以名聞

睿宗景雲元年九月丙子制曰建官惟賢典誥丕訓  
任人以器先王令圖蓋欲庶政和平萬邦祇乂朕以  
寡昧克纘休業求衣側席無忘寤寐頃屬奸回擅權  
撓亂綱紀互相引進遍爲比周黜汙清朝實繇於此  
遂使玉石無辨涇渭莫分其制勅授官宜令所司勘  
責不因別功遂越賞授先有負犯罔冒得官竝量事  
處分彰善癉惡異等區分梟鸞不接羽蒿蘭不同類

宣示中外知朕意焉

二年十月勅曰寅亮天工弼諧庶績宰臣之任也彰善癉惡激濁揚清御史之職也政之理亂實繇此焉朕丕膺鴻緒三年于茲日旰而食夜分而寢萬乘非樂四海爲憂思欲小康蒸人允谷羣望懲勸之詔歲月相仍然耳不聞彈劾之聲目未覩剛正之舉豈内外寮吏咸未循公邪將有司迴避隱惡不聞邪每念於此怒焉如疚言而不行責在薄德知而不奏誰其遭歟御史等不樹朝綱合從屏黜但緣未親處分志在含忍宜許自新以圖遠効内外文武官有老弱疾

患貪暴侵漁不舉職事材職不相當者三日內各錄狀進外州刺史上佐多不簡擇内外之職出入須均京官中有材幹堪理人者量與外官有清慎者與京官

玄宗開元二年正月壬申制曰朕聞天爲大者孰先於育物物最靈者莫甚於愛人故樹之后王以康兆庶緬鑒前烈深爲遠圖懼德之不修化之未偃寅畏夙夜如臨泉壑然則疇咨命於四嶽黜陟在乎三載既以百姓爲心明非一人獨理今之牧守古稱侯伯賢者任之則循良之迹著不賢者任之則怨苦之聲

作每冀精於所擇委之俞往豈時或頽靡苟且尙多  
何吏之殊尤寂寞不嗣靜言政要朕用憮然間歲水  
旱周於郡國倉廩不蓄閭閻薦饑加以黜陟頗多冗  
官增弊至於處置皆憑次舉當於京官內簡宏才通  
識堪致理興化者量授都督刺史等官在外藩頗有  
升進狀者量授京官使出入嘗均永爲嘗式課最超  
等必議陞選循默守嘗必加黜免昭昭賞罰可不慎  
歎昔子產相鄭以致和平曹參相齊貴於清靜清靜  
則不擾不擾則和平和平則不爭不爭則知耻愛費  
而與休息除煩而從簡易自當農者歸壠畝蠶者勤

績紡旣富而教乃克有成道德齊禮不遠斯復庶幾  
在位知朕此心

三年六月戊午勅曰刺史宜兼於京官中簡擇歷任  
有善政者補置於司農太府少府等司旣掌財物已  
知次第復稱執事不在取限

八年勅曰刺史古之通侯公卿國之重臣百揆時叙  
必在得賢萬邦咸寧期於共理郎官出宰抑於前事  
方伯登台聞之往躅頃來朝士出牧例非情愿緣沙  
汰之色或受此官縱使超資尚多懷耻亦朝廷勳舊  
暨鎮外臺却任京都無辭降屈且希得人衆以爲榮

爲官擇人豈合如此自今已後諸司清望官闕先於  
牧守內精擇都督刺史等要人兼向京官中簡授其  
臺郎已下除改亦於上佐縣令中通取俾中外迭用  
賢良靡遺庶績其凝九功惟允卽宜銓擇以副朕懷  
十二年以黃門侍郎王丘中書侍郎崔沔爲吏部侍  
郎王易從等爲諸州刺史因勅宰臣曰朕欲妙擇牧  
宰以崇教化欲重其資望以勵衣冠自今已後三省  
侍郎有缺先求曾任刺史者郎官缺先求曾任縣令  
者

二十四年帝以諸州別駕長史司馬佐刺史之理命  
有司考其勤勞及有政者遂以衛州長史盧見象等  
二十二人遞遷其職制曰善爲理者固道在至公能  
官人者俾財無滯用今之羣吏列於郡國績有可考  
政或可觀旣久於所職當叙之以位衛州長史盧見  
象等頃在條察克著聲猷計年有成以時議進期乎  
知勸且日無遺彼欲速者自銜而至廉耻之道喪于  
進之責深悠悠斯人朕無所取凡百在位宜悉乃懷  
天寶十載詔曰其理親人在於郡守縣令今二千石  
朝廷精擇咸得其人縣令委之選司慮未盡善孰若  
連職同官見其踪跡宜令天下太守各舉堪任縣令

一人善惡賞罰必及所舉所司仍明作條例  
肅宗至德二年十二月詔簡擇郎官有堪任太守縣  
令者委京清資五品已上及郎官御史薦聞  
二年正月大赦詔刺史上佐錄事參軍縣令委中書  
門下速於諸色人中精加訪擇補擬判司丞已下宜  
令所繇銓揀

乾元二年九月詔曰朕聞劾官者必量力而授任致  
理者亦擇才而簡能况風化之源本資於長吏升降  
之義用明於朝典古之建萬國親諸侯蓋以撫綏黎  
民宣布王化則今之令長古稱子男矜孤恤寡均徭

省賦皆是職也朕以薄德恭膺寶位屬殘孽猶聚戎  
軍未戢雖憂國之計且務於濟時而恤人之心每深  
於惠物將求厚俗必在審官至於刺史治中皆制命  
所授辨其材術蓋在朝廷先令中書門下精加擇訪  
務德惟良如非理人之材竝卽量宜改授且諸縣令  
員數應多竊聞處理之間廉平者少或使司所奏以  
功見稱或主司所擬循資而授儻乖任用空忝親人  
或有案牘之間曾未閑於令式征賦之際皆委任於  
胥徒繇是吏轉生奸遂爲蠹政人不堪命因而失業  
與言及此良用憮然夫易枉以調弦聲之和也革弊



而從理政之體也漢宣帝曰與我共理天下者其惟良二千石乎因知方嶽之任足以委黜陟之權矣凡諸道節度皆職備防戎政在理兵豈遑廉問必令郎官御史分命巡察則乘驛暫往難於委知諒無益於澄清反有增於勞擾其天下縣令名仰本州府長官審加詳擇如有衰耄暗弱或貪財縱暴不閑時政爲害於人竝具名錄奏卽與改替其才職相當者竝依舊奏定已後有不稱者所繇官長量加殿黜庶理人之職無或謬焉又入仕之流本期展用且無事實豈可徒勞今員外之官所在甚衆旣不釐務空効驅馳

將適鄉閭復拘職守念其旅寓良可優矜應州縣見任員外官竝任其所適計秩滿後各與成資仍於本色內減一兩選與留其先緣罪累貶授者不在此限如員外官中材識幹濟曾經任使州縣所資者亦任量留上州不得過五人中州不得過四人下州不得過三人上縣已上不得過一人古之任官必寄成政如長吏數易則綱條不恤所以人懷苟進之心俗靡居嘗之業比者或開此弊實謂未便於時自今已後刺史縣令更不得數有移改善政聞於上則當議擢遷如道失厥中亦自申懲誠黜陟之道固有彛章又

比來刺史之任皆先奏州縣官屬苟爲改作孰免顏情自今已後除帶刺史判官外一切不得奏改官吏到任之後察有罪累及不稱職者任具狀奏聞請然後無所與替其刺史非兼節度但有防禦使者副使判官委於本州官中推擇亦不得別奏人竝委中書門下者爲嘗法庶使官無失位政有嘗經宣示天下宜知朕意

德宗嗣位以御史大夫浙西觀察使李涵和易無搏擊之才除太子少傅以父諱少康改檢校工部尚書兼光祿卿

貞元二年正月詔嘗參官及節度觀察防禦軍使城使兵馬使諸州刺史少尹赤令畿令并七品已下清官及大理司直評事等項者令內外新授官人三月內上表舉一人自代欲於中選才堪者任用比來所舉多有無實殊乖所謂求才之意自今已後每舉人皆令指陳其承前事跡如有政能行義藝業勞効各分析言之

四年九月癸酉詔中書門下選嘗參官曾爲牧守理行有聞者具名聞奏與諸薦守宰論政事知所任者具名封進應被舉官等令御史臺及吏部檢校勘資

次勿令踰越然後臨試處分仍永爲嘗式  
十五年正月以右諫議大夫知匭使田敦爲兵部郎  
中敦素承顧問帝將用爲兵部侍郎又疑其年少故  
且授郎中

憲宗時宰相以張仲素改文昌進名爲學士帝阻之  
以行止未正不宜在內庭

穆宗元和十五年二月御丹鳳樓大赦詔擇刺史縣  
令宜委門下中書省御史臺官有所請知卽具薦聞  
如贓污賤人當坐舉

長慶元年以兵部尚書李絳爲吏部尚書以吏部尚

書蕭俛爲兵部尚書制曰絳俛皆本朝先後之名相  
也而吏司爲劇俛固以疾辭兵務差閑絳處之餘裕  
各令揔理庶謂得宜

文宗太和五年五月丙辰以新授太子賓客王堪爲  
均王傳堪前爲將作監修太廟違慢罰俸及授太子  
賓客給事中李固言曰調護之重不宜坐馳慢以居  
之故再有此命

開成元年四月壬申帝御紫宸殿問宰臣李石曰有  
何人候對石曰有令狐楚鄭肅等石奏曰陛下今日  
令諸有司官各以公事面奏未知決事之時對臣與

覃伏候臣等退帝曰有司公事見亦無爽帝曰吏部中事非遷才安得撫實無濫且欲變更得否石曰縣令錄事參軍改變卽得諸官且循舊爲便帝曰選曹豈辨賢愚但若配官耳乃詔兵部侍郎知銓事崔鄆尚書右丞知銓事鄭肅問曰縣令錄事參軍如何比擬曰資序相當省問其爲官之道堪卽注擬帝曰依資合得才不堪者如何鄆曰與遠處慢惡官帝曰若以遠地爲慢惡與不堪者卽遠人何若也殊可哀憫尤須擇良吏處之帝曰朝廷求理遠近皆須得人苟用非其才何繇得理宰臣對曰陛下求理意深百司

述職至少今悉令有司官候對一一處分卽何憂不理皆稱賀而退又召御史中丞李玘兵部尚書判戶部王超禮部侍郎高鍇鴻臚卿李達司農卿李玘等各問本司事帝曰朝廷事在衆官戮力同心方得必理勉務躬親公事

六月丙寅宰臣奏事於紫宸殿鄭覃等奏南省闕丞卽請用秘書監張仲方帝曰中臺郎朝廷重選仲方爲京兆尹華州刺史不聞其政苟授之如有政者何帝前以渾鍼勳闕之家疑其昧於政事將不與郡宰臣亟請之今又以仲方官業無聞不得在丞郎之選

宰臣等稱賀而退

二年二月帝御紫宸殿謂宰臣曰且聞外郡甚有無政處鄉亦知否李固言曰臣見說鄧州王堪衰老頗甚隨州鄭襄亦無政術帝曰王堪豈不是貞元中御史否時三院御史只此一人猶在又問唐州是趙蕃否宰臣皆曰是鄭覃曰王堪臣見是舊人舉爲刺史鄭襄比來守官亦無敗事若言外郡不理臣亦更有所聞事未詳審不敢指說宰臣退召起居張次宗問刺史次宗曰王堪實衰老恐須與替御史中丞狄兼謩奏本司事帝亦以三郡訪之兼謩曰王堪比亦廉

直但耄已及之鄧州疆土缺館驛多須才力任持方可集事又數道防秋兵路出鄧州饋餉之繁不供是懼唐州趙蕃未聞有過隨州趙襄臣素不職又問鄧州有何土產對曰所出止於鹿紬絹與數種藥列在貢籍至如南都賦穰橙鄧橘亦無其實蓋以兼謩嘗爲鄧州刺史

三年十一月癸酉帝御紫宸殿問宰臣曰天寶不治當時姚宋在否李珣曰此時姚亡宋罷珣又曰玄宗謂羣臣曰我自卽位不曾枉誅一人不知任李林甫破人家不少陳夷行曰陛下不可移權與人多時楊

嗣復曰夷行此言未了并感陛下頃太宗用房玄齡十六年魏徵十五年何嘗有變臣以為用房魏多時不為不理用邪佞一日亦不可耳帝曰丁居晦作中丞何如因悉數大臣而品第之嘆曰宋申錫堪任此官惜哉又曰牛僧孺可為大夫宰臣鄭覃曰頃者中丞未嘗搏擊恐無風望帝曰不然鸞鳳與鷹隼事異帝又曰居晦作得此官朕曾以時諺謂杜甫李白輩為四絕問居晦居晦曰此非君上要知之事朕嘗以此記得居晦今所以擢為中丞

宣宗大中元年正月赦節文古者郎官出宰公卿理

郡所以重親人之官悉為政之本自澆風興扇此道稍消頡頏清途便至顯貴理人之術未嘗經心欲使究百姓艱危通天下利病不可得也朕為政之始思厚時風軒墀近臣蓋備顧問如其不知病苦何以應朕訪求自今後諫議大夫給事中中書舍人未曾任刺史縣令或在任有敗累者委宰臣不得進擬後唐莊宗同光二年二月南郊畢制曰共理者太守之官親人者縣宰之任戈鋌稍彈政術為先刺史縣令有勸課農桑招復戶口增加稅額撿勘不虛委本道觀察使條件奏聞當加進陟如貪墮不理害及於

人者速便停替務於葺養稱朕意焉况親人之官無先於令錄致治之道必擇於才能苟選任不自於朝廷則恩澤全歸於侯伯近日諸道奏請授官人數轉多闕員全占交隳體例須正條綱委中書門下舉舊例條理奏聞刺史總一州之政縣令專百里之權至於糾督之司竝爲親人之任僞朝取士多不擇才蓋自藩方奏論因及權勢囑託公行賄賂蔑顧典章到官惟務於誅求在任莫司於葺理或聚蓄更希後任或掙歛以報前恩上下相蒙遠邇爲害生靈困弊職此之繇自此牧守令錄之官委中書門下精加選擇

至於三銓注擬亦在審詳吏能如貪猥有聞不得更受令錄及到官後委本道觀察使切加銓轄仍勒本州判官專爲察訪如掩賊罪不具聞奏豈爲獨罪本官兼亦累及長史

晉高祖天福四年四月以右驍衛大將軍李從朗領楚州防禦使從朗前朝宗子帝之姻屬也唐淑妃王氏累爲請命懇求郡寄帝以前歷四州不聞其政故與其名錫其俸而著於班不令釐事

周太祖廣順元年九月丁亥以司封員外郎桑能爲鳳翔少尹殿中侍御史竇元靖爲京兆少尹司門員

外郎宋曙為陸渾令工部員外郎易弼為贊善大夫  
右補闕高守瓊為登封令桑能維翰之庶弟也元靖

貞固之庶兄也先是晉命將終漢宣初建三署清華之地雜冗屑無才行者處之歲蒲序

遷漸至華顯有職者耻與之為伍蓋當塗者不慎小官也至聖朝出此數人而推英翹之士簪纓之間賢不肖始似有區別矣

世宗顯德二年正月甲戌帝謂侍臣曰去歲濟州臨

邑民來訴災瀰尋命使臣遍與通檢所望供輸咸得

均濟昨聞廣種植戶民不欲通檢咸忿其訴災者至

有潛焚其家產者朕自聞之極深軫憫侍臣對曰時

季以來民多疾惡帝曰非民之狡蓋朕治之未至亦

猶親人之官未當耳此後尤宜精求令長免使黎民

受弊

七月丙戌帝謂侍臣曰藩郡賓職下至今錄皆親吾

民事任非輕也所宜歷試求人委之共理宰臣奏曰

人有雖負文學不能幹事者有藝不及人能幹事者

有貌鄙言訥通理道者有奇資辨言昧時務者求人

之道自古為難帝曰豈朕不及前代明王何奇材名

士未盡出邪



册府元龜 審官

卷之六十九

册府元龜

淮南李嗣京參閱

西極文翔鳳訂正

豫章黃國琦較釋

帝王部 七十

務農

禮記曰天子親耕於南郊以供粢盛周禮地官遂大夫之職正歲簡稼器修稼政號文公曰民之大事在農上帝之粢盛於是乎出民之蕃庶於是乎生王符曰國之所以為國者以其有民也民之所以為民者

册府元龜 帝王部

卷之六十九

以其有國也故曰所寶惟穀又曰食為民天是知食  
 居八政之先穀乃六府之一天下之本其惟農乎先  
 王繇是申勞農之典立勸桑之制或下詔以敦勉或  
 設官以案行重其力則俾之孝悌同科惜其功則不  
 使小罪徵召此皆務農之深旨也故賈誼曰積貯者  
 天下之大命也苟粟多而財有餘何為而不成以攻  
 則取以守則固以戰則勝管子曰倉廩實知禮節衣  
 食足知榮辱則知王者務農之道其太平之本歟  
 神農氏斲木為耜揉木為耒耒耜之利以教天下天  
 下號曰神農氏

帝堯命羲仲寅賓出日平秩東作  
寅敬賓導秩序也歲起于東而始就  
 耕謂之東作東方之官敬導出日  
 平均以序東作之事以務農也 舉棄為農師天下  
 得其利

帝舜命棄曰黎民阻饑汝后稷播時百穀  
阻難播布時是也衆  
 人之難在于饑汝后稷布種是百  
 穀以濟之美其前功以勉之也

周文王卑服即康功田功  
言卑其衣服以就其安人  
 之功田功知稼穡之艱難

成王親與后世子出觀農事其詩曰曾孫來止以其  
 婦子饁彼南畝田峻至喜攘其左右嘗其旨否  
曾孫謂成  
 土也饁饒饋也田峻司穡也喜攘為饋酒食也為農  
 人之在南畝者設饋以勸之司穡至則又以酒食饋  
 其左右從行者成王親為  
 嘗其饋之美否示親之也 又率主田之吏使民耕田

而種百穀故作噫嘻之詩曰率是農夫播厥百穀

漢文帝二年九月詔曰農天下之大本也民所恃以

生也而民或不務本而事末故生不遂衣食之絕致有大喪故不

遂其朕憂其然故今茲親率群臣務農以勸之其賜

天下民今年田租之半

十二年三月詔曰道民之路在於務本朕親率天下

農十年于今而野不加辟辟讀日關歲一不登民有饑色

登成也是從事焉尙寡而吏未加務從事從農事也吾詔書數

下歲勸民種樹而功未興是吏奉吾詔不勤而勸民

不明也且吾農民甚苦而吏莫之省將何以勸焉其

賜農民今歲田租之半

十三年六月詔曰農天下之本務莫大焉今瘞身從

事瘞古勤字而有租稅之賦是謂本末者無以異也本農也末

賈也言農與賈俱出租無以異也故除田租其於勸農之道未備其除田

之租稅

景帝後二年四月詔曰雕文刻鏤傷農事者也錦繡

纂組害女紅者也纂赤組也紅讀日功農事傷則饑之本也女

紅害則寒之原也夫饑寒竝至而能亡為非者寡矣

朕親耕后親桑以奉宗廟粢盛祭服為天下先不受

獻減大官省繇賦省所領切繇音遙欲天下務農蠶素有蓄

積以備災害

三年正月詔曰農天下之本也黃金珠玉饑不可食

寒不可衣以為幣用不識其終始幣者所以通有無易貴賤也開

歲或有不登意為末者眾農民寡也其令郡國務勸

農桑益種樹可得衣食物樹植也吏發民若取庸采黃

金珠玉者坐贓為盜發民用其民庸取用其資以雇庸二千石聽與

同罪又食貨志云時宮室列館車馬益增修矣然屢敕有司以農為務民遂樂業

武帝元狩三年秋遣謁者勸有水災郡種宿麥又末

年悔征伐之事廼封丞相為富民侯富民沛郡蘄縣之鄉名也欲百

姓殷實故取其嘉名也下詔曰方今之務在於加農以趙過為

搜粟都尉過能為代田一畝三畝隴也音工免切字或作畝歲

代處故曰代田古法也

元帝元光元年三月詔赦天下令各務農畝無田者

皆假之貸種食

建昭五年三月詔曰方春農桑與百姓戮力自盡之

時也故是月勞農勸民無使後時今不良之吏覆案

小罪徵名證案與不良之事以妨百姓使失一時之

作亡終歲之功公卿其明察申勅之

成帝陽朔四年春正月詔曰夫洪範八政以食為首

斯誠家給刑錯之本也先帝劭農劭勸勉也音時召切薄其租



稅寵其強力令與孝弟同科間者民彌惰怠鄉本者少趨末者衆將何以矯之

鄉讀日向矯正也

方東作時

春位在東

耕者始作故日東作

其令二千石勉勸農桑出入阡陌致勞來

之書不云乎服田力穡乃亦有秋

農夫服田厲且簪力乃有秋收也

其勗之哉

平帝元始元年置大司農部丞一十三人人部一州

勸課農桑

平帝二年定墾田八百二十七萬五百三十六頃蓋

紀漢盛時之數

據元始二年千二百二十三萬三千每戶合得田六十七畝百四十六步

有奇也

後漢光武中元二年十二月詔曰方春戒節人以耕

桑其勗有司務順時氣使無煩擾

明帝永平三年春正月癸巳詔曰夫春者歲之始也

始得其正則三時有成比年水旱不節邊人食寡政

失於上人受其咎有司其勉順時氣勸課農桑去其

螟蟥以及蝥賊

章帝元和元年二月詔曰王者八政以食爲本故古

者急耕稼之業致耒耜之勤節用儲蓄以備凶災是

以歲雖不登而人無饑色自牛疫以來穀食連少良

由吏教未至刺史二千石不以爲負

負猶憂也

其令郡國

募人無田欲徙他界就肥饒者悉聽之到在所賜給公田爲雇耕庸賃種餉貫與田器勿收租五歲除筭三年其後欲還本鄉者勿禁

和帝永元五年九月壬午令郡縣勸民蓄蔬食以助五穀

安帝永初三年七月庚子詔長吏案行在所皆令種宿麥蔬食務盡地力其貧者給種餉

魏明帝時司馬芝爲大司農先是諸典農各部吏民未作治生以要利入芝奏曰王者之治崇本抑末務農種穀王制無三年之儲國非其國也管子書言以

積穀爲惡方今二虜未滅師旅不息國家之要惟在穀帛武皇帝特開屯田之官專以農桑爲業建安中天下倉廩充實百姓殷足自黃初以來聽諸典農治主各爲部下之計誠非國家大體所宜也夫王者以海內爲家故傳曰百姓不足君孰與足富足之繇在於不失天時而盡地力今商旅所求雖有加倍之顯利然於一統之計已有不貲之損不如墾田益一畝之收也夫農民之事田自正月耕種耘鋤條桑耕爨種麥穫禾築場十月乃畢治廩繫橋運輸租賦除道理梁塹塗室屋以是終歲無日不爲農事也今諸典

農各言留者爲行者宗田計課其力勢不得不爾不有所廢則當素有餘力臣愚以爲不宜復以商事雜亂專以農桑爲務於國計爲便帝從之

晉宣帝初爲魏國軍司馬言於魏武曰昔箕子陳謨以食爲首今天下不耕者蓋二十餘萬非經國遠籌也雖戎甲未卷自宜且耕且守魏武納之於是務農積穀國用豐贍

武帝時石苞爲司徒苞言州郡農桑未有賞罰之制宜遣掾屬循行皆當均其土宜舉其殿最然後黜陟焉因下詔曰農殖者爲政之本有國之大務也雖欲

安時興化不先富而教之其道無繇而至今四海多事軍國用廣加承征役之後屢有水旱之事倉庫不充百姓無種古者稼穡樹藝司徒掌之今雖登論道然經國立政惟時所急故陶唐之世稷官爲重今司徒位當其任乃心王事有毀家紓國乾乾匪躬之志其使司徒督察州郡播殖將委事任成垂拱仰辦若宜有所循行者其增置掾屬十人聽取主官更練事業者

秦始皇五年正月癸巳申戒郡國計吏守相令長務盡地利禁游食商販

元帝太興元年詔曰徐揚二州土宜三麥可督令曠地投秋下種至夏而熟繼新故之交於以周濟所益甚大昔漢遣輕車使者紀勝之督三輔種麥而關中遂穰勿令後晚其後頻年麥雖有旱蝗而爲益猶多後魏孝文延興二年四月庚子詔工商雜役盡聽赴農諸州郡課民以種菜果

三年二月登丑詔牧守令長勤率百姓無令失時同部之內貧富相通家有兼牛通借無者若不從詔一門之內終身不仕守宰不督察免所居官

太和元年春正月辛亥詔曰今牧民者與朕共治天

下也宜簡以徃後先之勸獎相其水陸務盡地利使農夫外布桑婦內勤若輕有徵發致奪民時以侵擅論民有不從長教墮於農桑者加以罪刑

三月丙午詔曰朕政治多闕災青屢興去年牛疫死復大半耕懇之利當有虧損今東作旣興人須肄業其勑在所督課田農有牛者當勤於當歲無牛者倍庸於餘年一夫制田四十畝中男二十畝無令人有餘力地有遺利

四年四月乙卯幸廷尉籍坊二獄引見諸囚詔曰廷尉者天下之平民命之所懸也朕得惟刑之恤者使



獄官之稱其任也一夫不耕將或受其餒一婦不織將或受其寒今農時要月百姓肆力之秋而愚民陷罪者甚衆宜隨輕重決遣以赴耕耘之業

五年五月庚申朔詔廼者邊兵屢動勞役未息百姓因之輕陷刑網獄訟煩興四民失業朕每念之用傷懷抱農月時要民須肆力其勅天下勿使有留獄久囚

十三年八月詔諸州鎮有水田之處各通漑灌遣匠者所在授

十六年六月甲辰詔曰務農重穀王政所先勸率田

疇君人嘗事今四氣休序時澤滂潤宜用天分地悉力東畝然京師之民遊食者衆不加督勸或耘耨失時可遣明使檢察勤惰以聞

二十年五月丙子詔曰農唯政首稷實民先澍雨豐洽所宜鼓勵其令畿內嚴加課督墮業者量以楚撻力田者具以名聞

七月丁亥詔京民始業農桑爲本田稼多少課督以否具以申言

宣武正始元年九月丙午詔緣淮南北所在鎮戍皆令及秋播麥春納粟稻隨其土宜水陸兼用必使地

無遺利兵無餘力比及來稔令公私俱濟也

後周武帝建德四年正月壬申詔曰今陽和布氣品  
物資始敬授民時義兼敦勸詩不云乎弗躬弗親庶  
民弗信刺史守令宜親勸農桑百司分播躬自率道  
事非機要並停至秋

隋煬帝大業三年四月丙申北巡狩戊戌勅百司不  
得踐暴禾稼其有須開為路者有司計地所收即以  
近倉酬賜務從優舉

後唐高祖武德五年四月戊辰謂羣臣曰比者兵革  
事煩不遑隴畝今諸方畧定軍國無虞太平之基在  
於家給人足今茲麥既大熟宜停庶務每司別留一  
二人守曹局餘皆宜休假親事務農流罪以下囚罪  
名定者亦放收穫

六年六月乙未詔曰有隋喪亂區宇分離百姓凋殘  
弊於兵甲田畝荒廢饑饉薦臻元元無辜墮於溝壑  
朕膺圖馭極廓清四海安輯遺民期於寧濟勸農務  
本蠲其力役然而邊鄙餘官向或未除頃年已來戎  
車屢出所以農功不致倉廩未登永念於茲無忘寤  
寐今既風雨順節苗稼實繁普天之下咸通茂盛五  
十年來未嘗有此倉廩之積指日可期特為溽暑方

資耕耨廢而不修歲功將闕宜從優縱肆力千頃其公私債負及追徵輸送所至處且勿施行尋嘗營造役使工匠事非急要亦宜停止見在囚繫事未決斷傍引支證未須追迫司攝嘗務竝宜且停內外官人行署以上量事分播皆盡九月三十日其軍機急速及盜賊之事不在停限州縣牧宰明知勸導咸使戮力無或失時務從簡靜以稱朕意

太宗貞觀四年四月帝以夏麥大稔謂御史大夫蕭瑀曰前代帝王以麟鳳龜龍爲嘉瑞朕以民安年豐爲上瑞公謂若何在位者皆賀

中宗景龍二年七月辛卯勅誠諸州郡督刺史縣令務盡地利禁游食

玄宗開元四年九月壬寅詔曰關中田苗今正成熟若不收刈便恐飄零緣頓差科時日尚遠宜令併功收拾不得妄有科喚致妨農業仍令左右御史檢察奏聞

十二年六月壬辰詔曰有國者必以人爲本固本者必以食爲先先王於是務其三時前聖所以分其五土勸農之道實在於斯朕撫圖御曆殆踰一紀旰食宵衣勤乎兆庶故兢兢翼翼不敢荒寧頃歲以來雖

稍豐稔猶恐地有遺利人多廢業游食之徒未盡歸  
生穀之疇未均墾以是軫念遣使臣恤編戶之流亡  
闕大田之衆寡至如百姓逃散良有所繇當天冊神  
功之時北狄西戎作梗大軍之後必有凶年水旱相  
仍遭亡滋甚自此成弊於今患之且違親越鄉蓋非  
獲已暫因規避旋被兼并既冒刑綱復損產業居且  
嘗懼歸又無依積此艱危遂成流轉或因人而止或  
庸力自資懷土之思空盈返本之徒莫遂朕處荷丕  
構子育萬姓立德非宜而茲弊未革納隍馭朽實切  
於心旣深在予之責思弘自新之令其先是逋逃竝

宜自首仍能服勤墾畝肆力耕耘所在開田勸其開  
闢逐土任宜收稅勿令州縣差科征役租庸一皆蠲  
放若登時不出或因此更逃習俗或然非以爲法且  
阻我誠信是紊我大綱爰及所繇須加嚴限且天下  
風壤多有不同地旣異宜俗亦殊習固當因利制事  
不可違人立法宜令兵部員外郎兼侍御史宇文融  
兼充勸農使巡按人邑安撫戶口所在與官寮及百  
姓商量處分乃至賦役差科於人非便者竝量事處  
分續狀奏聞務令安輯勿使勞繁當行賞罰之科各  
竭忠公之力所到之處宣示百姓達我勸人之心

十五年五月丁酉是日夏至賜宰臣及供奉官諸司長官各綬絲先是帝命宮中養蠶親自臨視欲使嬪御已下知女工之事及蠶罷獲絲甚多因以賜焉十六年十月勅曰諸州客戶有情願屬邊緣利者至彼給良沃田安置仍給永年優復宜令所司卽與所管客戶州計會召取情愿者隨其所樂具數奏聞十七年春正月丁酉詔曰獻歲發生陽和在候乃曉甿庶方就農桑其力役及不急之務一切并停百姓間有不穩便事須處置者宜令中書門下與所司喚取朝集使審向商量奏聞

二十一年正月詔其聚衆興役妨時害功特宜禁止以助春事

二十二年五月帝於苑中種麥率皇太子已下躬自收穫謂曰此將薦宗廟是以躬親亦欲令汝等知稼穡之艱難也因分賜侍臣等謂曰比歲令人巡檢苗稼所對多不以實故自種植以觀其成且春秋書無麥禾豈非古人所重也

二十九年制曰古之爲理必順時行令獻歲發春仁氣育物直叶陽和之德以勤播種之務天下諸州委刺史縣令加意勸課仍令採訪使勾當非灼然要切

事不得妄有追擾其今月諸色當審人有單貧老弱者所司卽棟擇量放營農至春末已來並宜准此天寶五載正月詔曰今土膏旣動農事將興丁壯就功不可妨奪其不悉之務一切並停

九載七月詔曰農爲政本食乃人天必禾稼之及期遂京坻之厚積是以愛人存乎重穀勤政在乎厚生俗之所資何意於此如聞遠近每至秋中穀禾熟時卽賣充馬藁苟求規利之心殊害生成之性靜言斯弊實資懲革自今已後不得更然其三京及天下諸郡並委所繇長官嚴加捉搦如非成熟不得輒刈犯者量決四十仍榜示要路咸使聞知

十四載正月詔不悉之務一切且停待至農闕任依嘗式

肅宗上元二年正月詔王者設教務農爲首今土膏方起田事將興敦本勸人實惟政要宜令天下刺史縣令各於所部親勸農桑

九月詔曰田功在謹農事惟勤不有司存何成種穀諸州等各置司田參軍一人主農事每縣各直置田正二人於當縣棟明閑田種者充務令勸課

元年建卯月御明鳳樓大赦詔其建辰月應蕃曠騎

宜三分量留一分其餘卽放歸營農至建巳月任依  
嘗式諸州刺史縣令及司田參軍令設法勸課令其  
耕種不得失時貧不支濟戶仍方圓處置量事借貸  
務令存立歲終巡案量其功效

代宗永太元年正月朔大赦制曰農政本也食人天  
也方春之首重於東作除軍興至惡餘一切並停令  
百姓專營農事其逃戶復業及浮客情愿編附者仰  
州縣長吏親就存撫特矜賦役全不濟者量貸種子  
務令安集

大曆十三年正月壞京畿白渠磴八十餘所以妨奪

農業也帝思政理之本務於農人以田農者生民之  
源若於不足磴碾者興利之業主於並兼遂發使行  
具其損益之繇僉以爲正渠無害支渠有損乃命府  
縣凡支渠磴一切罷之時昇平公主上之愛女出降  
駙馬都尉郭曖有磴兩輪并曖父子儀有磴兩輪並  
在支渠內公主聞之不時入謁乞留此磴帝曰公主  
曰吾爲蒼生爾識吾意可爲衆先公主遂卽日毀之  
由是諸磴不令而毀者非一百姓便之自去冬少雪  
是日雨雪豐霈咸以爲聖感

德宗貞元五年五月初以二月一日爲中和節詔文

武百戶進農書獻種稔

六年二月戊辰朔中和節百寮始進兆人本業三卷  
司農獻粟及黍各一斗

二十年詔曰理化之本繫乎京師副朕憂人屬於長  
吏宜勉務農桑各安生業以輸朕懷

憲宗元和七年四月詔曰農桑切務衣食所資始聞  
閭里之間蠶織猶寡所宜勸課以利於人諸道州府  
有田戶無桑處每檢一畝令種桑兩根勅縣令專勾  
當每至年終委所在長吏檢察量其功具殿最奏聞  
兼令兩稅使同訪察其桑仍切禁採伐犯者委長吏

重加責科

穆宗長慶二年二月勅以修築河陰院恐妨農務罷  
之

文宗太和二年二月勅李絳所進則天聖后刪定兆  
人本業書三卷宜令在所州縣寫本散配鄉閭

開成元年十二月壬子御紫宸殿謂宰臣曰深以宿  
麥爲憂今日東風應卽有雪鄭覃對曰正月得之亦  
未爲晚

武宗會昌元年四月勅勸課種桑比有勅命或能增  
數每年奏聞如聞都不遵行恣爲剪伐列於市肆貨



作柴薪自今州縣切宜禁斷

宣和大中元年二月制應天下逃戶見在桑田屋宇等多是暫時東西便被鄰人與所繇等計會雖云代納稅錢悉將斫伐毀拆及願歸復多以盪盡因致荒廢遂成閒田從今後如有此色勒鄉村耆老與所繇并鄰近等同田產人且爲佃時與納稅錢如五年內不來復業者任便收租佃者爲主逃戶不在理論之限其屋宇桑田樹木等權佃人逃戶未歸五年內不得輒有毀除斫伐如有違犯據根口量情科責并科所繇等不檢校之罪

二年正月制云君以人爲本人以食爲天有國有家捨此無爲如聞州府之內皆有閒田空長蒿菜無人墾闢與其虛棄曷若濟人宜令所在長吏設法召募貧人課勵耕種所收苗子以備水旱及當處軍糧愛念農耕是資牛力絕其屠宰須峻科條天下諸州屠牛訪聞都不遵守自今已後一切禁斷

二月刑部奏牛者稼穡之資邦家所重雖加條約多有違犯今後請委州府縣令并錄事叅軍嚴加捉搦如有牛主自殺及盜竊殺者卽請准乾元元年二月五日勅先決六十然後准法科罪其本界官吏嚴加

止絕

五年正月勅畿甸及天下府州應牛屠宜起大中五年五月一日後三年內切加禁斷如郊廟享祀合使者即以諸畜代之中書奏曰屠牛之禁格令至重此立條流必令禁斷臣等商量應天下諸州府如有牛死便於所在經官陳狀勘驗無他故然後使令就市解剝貨賣不得更將歸私家如有屠牛事發不唯本主抵法鄰里保社並須痛加懲責本縣官吏委刺史節級科罰仍委諸道觀察使各逐所管州縣穩便更別立條制須極嚴峻務令止絕其行勞處亦准此禁斷

從之

後唐明宗天成二年四月駕出北門觀麥謂侍臣曰昨日出城詢諸父老苗稼滋潤牛驢皆肥喜形於色朕亦樂之左右皆賀是月蔡州進新繭宣示庭臣

長興元年三月車駕出上陽門觀稼至晚歸宮

二年三月陝州准詔放獵戶歸農  
三年三月帝觀稼於郡郊民有父子三人同挽犁來者帝閱之賜耕牛三頭帝顧謂侍臣曰朕昨日以雨霽暫歸綠野遥望西南山坡之下初謂群羊俯而察

之乃貧民耦耕朕甚憫焉范延光對曰陛下輕徭薄賦所以村落之間自勤於稼穡也是時帝哀貧民多無耕牛斲地以種延光以爲勤于稼穡非主上憂民之意歟

九月壬午帝幸南莊初日謂侍臣曰朕見西郊種麥已生民之辛苦深可憫念帝憂民之旨無日暫忘

十二月甲寅詔曰富民之道莫尚於務農力田之資必先於利器器苟不利民何以安近聞諸道監治所賣農器或大小異同或形狀輕怯纔當墾闢旋致損傷近百姓秋稼雖登時物頗賤既艱難於買置遂抵

犯於條章苟利錐刀擅興鑪冶稍聞彰露須議誅夷緩之則瞻國不充急之則殘民轉甚加以巡檢節級搔擾鄉閭但益煩苛殊非通濟欲使上不奪山澤之利下皆遂畝畝之宜務在從長庶能經久自今後不計農器燒器動使諸物並許百姓逐便自鑄諸道監治除依嘗年定數鑄辦供軍熟鐵并器物外只管出生鐵比已前價各隨逐處見定高低每斤一例減十文貨賣雜使熟鐵亦任百姓自揀巡檢節級勾當賣鐵場官并鋪戶等一切並廢鄉村百姓只於係省秋夏田畝上每畝納農器錢一文五分足陌隨秋夏稅

二時送納去

後歷晉漢周皆不改其制

四年三月帝幸龍門七星亭農事方春田民遍野帝見其剗桑稼樹枉駕勞問親自勸課其月辛酉太原石敬瑭進耒耜一具時帝嘗巡幸近郊見農民田具細弱而犁耒尤拙曰農器若此宜其無所獲也因詔河東河北進農具以爲式樣太原首有是進降詔褒之

晉高祖天福二年二月前隴州長吏杜遵進策曰伏見近年百姓頗遇災荒縱納得王租卽不充口食此蓋播種不廣頃畝無餘旣稅外無溢數之苗致民中

有不及之弊且國以民爲本民以食爲天苟百姓不足君孰與足伏請曉示天下應有荒田一任百姓開種候及三年外卽檢炤所開種頃畝多少量納一半租稅所貴家國富饒上下通濟者勅曰闢彼汙萊期於富庶方當開創正切施行往日雖曾指揮漸恐廢墮當在申於勸誘期共樂於豐穰宜令逐處長吏遍下管內應是荒田有王者一任本主開耕無王者一任百姓請射佃蒔三年內竝不在收稅之限

七年二月丙午勅鄧唐隨郢諸州管界多有曠土宜令逐處曉諭人戶一任開墾佃蒔仍自開耕後與免

五年差徭兼仰指揮其荒閒田土本主如是無力耕佃卽不得虛自占吝仍且與招攜到人戶分析以聞少帝開運二年十二月中書舍人陶穀奏竊以稼穡爲生民之天機杼乃豐財之本是以耕根在御王者用三推之儀鞠衣載陳后妃有躬桑之禮則知自天子至于庶人不可斯須忽於農桑也又司馬遷著書曰齊魯之間千畝桑安邑千樹棗其人與千戶侯等伏見近年已來所在百姓皆伐桑爲柴忘終歲之遠圖趨一日之小利旣所司不禁乃積習生嘗苟桑柘漸稀則繒帛須缺三數年內國用必虧雖設法課人

種桑且無及也舊木已伐新木未成不知絲綿欲憑何出若以下民方困不可禁之儻砍伐一空所在如是歲或不稔衣食盡忘饑凍逼身須爲群盜圖難於易哲王令猷作事謀始有國嘗務乞留眷覽詢訪輔臣欲望特下明勅此後不得以桑棗爲柴官塲亦不許受納州縣城門不令放入及不得囊私置賣犯者請加重罪勅曰陶穀方思豐國切欲勸農以貿易於柴薪多砍伐於桑棗請行禁絕宜舉科條仍付所司漢隱帝於乾祐元年二月卽位三月殿中少監胡崧上言請禁砍伐桑棗爲薪城門所繇專加捉搦從之

周太祖廣順元年正月勅農桑之務衣食所資一夫  
 不耕有艱食之慮一婦不織有無褐之虞今氣正陽  
 春候當生發宜勤用天之業將觀望歲之心應諸道  
 州府長吏宜勸課耕桑以豐儲積編民樂業仍倍撫  
 綏

二年正月勅諸道府州吏六府允修無先重穀九扈  
 分職厥惟勤農今則東作聿興西成係望我有群后  
 政在養民苟不懈於行春諒倍登於多稼卿分憂事  
 任道俗廉平樹以風聲靡如草偃必汗菜之地竝作  
 百纏游惰之民咸勤四體用洽帶牛之化更彰棲畝

之謹眷倚之懷寤興斯切詔到卿可散下管內勸課  
 鄉縣百姓依時耕種栽接桑棗勿縱遊惰務在精勤  
 三年正月詔曰宜令三京及諸道府委長吏指揮  
 管內人戶勉勤耕稼廣闢田疇勿使蒿萊有廢膏腴  
 之地務添桑棗用資種養之方仍令嘗切撫綏不得  
 輒加科役所貴野無曠土廬有環桑致穀帛以豐盈  
 遂蒸黎之蘇息

世宗顯德二年二月帝曰自古厚農實穀故家給人  
 足近世以來俗尚輕巧若使耕稼者有利游惰者無  
 歸則自然倉廩實衣食足澆浮之風當自息矣宜令



遍示天下厚農桑薄伎巧優力田之夫禁末游之輩以稱朕意焉

二年八月詔課民種樹其上戶所種每歲須及百本其次降殺有差又令民每口種韭一畦以助其食

冊府元龜

冊府元龜

淮南李嗣京叅閱

西極文翔鳳訂正

豫章黃國琦較釋

帝王部 七十一

命相

天生蒸民櫛之以君而司牧之必選賢舉能而為之輔弼故天有三台之象易有鼎足之義所以佐天子理陰陽親萬民也武丁命傅說則曰朝夕納誨以輔台德穆王命君牙亦曰今命爾子翼作股肱心膂此古

先哲王命相之旨也昔者帝王得六相而天地理神明和虞舜亦舉八元八愷而百揆時序內成外平自時厥後或非其人而望興化若緣木求魚登山採珠不可得也故歷代以還寅亮天工登翼王室者不亦重乎

黃帝得蚩尤而明乎天道得太嘗而察乎地利得奢龍而辨乎東方得祝融而辨乎南方得太封而辨乎西方得后土而辨乎北方得六相而天地治神明至

一云置左右太監監于萬國

虞舜即天子位曰咨四岳有能奮庸熙帝之載奮起庸功

載事也訪群臣有能起發其功使宅百揆亮采惠疇

廣堯之事者言舜曰以別堯亮信惠順也求其人使居百揆

之官信立其功順其事者誰乎僉曰伯禹作司空

同辭而對禹代伯為崇伯入為天帝曰兪咨禹汝平

水土惟時懋哉然其所舉稱禹前功以命之禹拜稽

首讓於稷契暨臯陶居稷官者棄也契臯陶帝曰兪

汝往哉然其所推之賢不許帝曰棄黎民阻饑汝后

稷播時百穀阻難播布也衆人之難在於饑汝后稷

帝曰契百姓不親五品不遜五品謂五常遜順也汝作司徒敬

敷五教在寬布五嘗之教務在寬所帝曰臯陶蠻夷

猾夏寇賊奸宄猾亂也夏華夏群行攻劫曰寇殺人

日賊在外日奸在內日宄言無教之





致汝作士五刑有服士理官也五刑墨劓荆宮大五

服三就既從五刑謂服罪也行刑當就三五流有宅

五宅三居謂不加刑則流放之若四凶者五刑之流

四裔次九州之外惟明克允言皋陶能明信五刑施之

無敢犯者因禹讓帝曰咨疇若予工僉曰垂哉

我百工事者朝帝曰俞咨垂汝作共工垂拜稽首讓

於及新豎伯與帝曰俞往哉汝諧汝能諧和此官

岳疇若予上下草木禽獸僉曰益哉上謂山下謂澤

取之有時用之帝曰俞咨益汝作朕虞

稽首讓於朱虎熊羆帝曰俞往哉汝諧朱虎熊羆四

四人皆帝曰咨四岳有能典朕三禮僉曰伯夷禮

夷地名姜姓帝曰俞咨伯夷汝作秩宗秩序宗尊

官夙夜惟寅直哉惟清夙早也言早夜敬思其職與

伯拜稽首讓於夔龍夔龍二帝曰俞往欽哉然其賢

帝曰夔命汝典樂教胄子胄長也謂元子以下至卿

之教掌國子中直而溫寬而栗

而無虐簡而無傲剛失入虐簡失入詩言志歌永言

謂詩言志以導之聲依永律和聲

歌其義以長其言呂十二月之音氣言

當依聲律以和樂八音克諧無相奪倫

倫理也八音能諧理不錯奪夔曰於予擊石拊石百

則神人咸和命夔使勉之

獸率舞

石磬也磬音之清者拊亦擊也舉清者和則其餘皆從矣樂感百獸使相率而舞則神人

和可

帝曰龍朕聖讒說殄行震驚朕師

聖殄絕震動也言我疾讒

說絕君子之行而動

命汝作納言夙夜出納朕命惟

允

納言喉舌之官聽下言納于上受上言宣于下必以信

夏禹既立舉臯陶且授政焉臯陶卒舉益任之政

殷湯初為諸侯舉伊尹作咸有一德

一云仲虺為湯左相

大戊立伊陟為相

伊陟尹之子

高宗武丁卽位思復興殷而未得其佐三年不言政

事決定於冢宰

冢宰天官卿貳王事者

以觀國風夜夢得說

夢

賢相其名曰說

使百工營求諸野得諸傅巖

使百官以所夢之形象經營求

之于外野得之

作說命

命說為相使攝政

曰王宅憂亮陰三

祀陰默也居憂

既免喪其惟弗言

除喪猶不言政群臣咸諫

于王曰嗚呼知之曰明哲明哲實作則

知事則為明智明智則能制作

法天子惟君萬邦百官承式

天子待命百官仰法

王言惟作命

不言臣下罔攸稟令

稟受令亦命也

王庸作書以誥曰以台

正於四方台恐德弗類茲故弗言

恐臣下怪之故作誥類善也我正四

方恐德不善

恭默思道夢帝賚予良弼其代予言

夢

此故不言

乃審厥象俾以形旁求於天下

審所

將代我言政教乃審厥象俾以形旁求於天下

審所

方旁求之千民間說築傅巖之野惟肖

傅氏之岩在雲坂之界通

道所經有瀾水壞道嘗使胥靡刑人築護此道

說賢而隱代胥靡築之以供食肖似所夢之形

爰立

作相王置諸其左右于是禮命以為相使在左右命之曰朝夕納

誨以輔台德言當納諫誨直若金用汝作礪鐵須礪以成利

器若濟巨川用汝作舟楫渡大水便舟楫若歲大旱用汝作

霖雨霖三日雨霖以救旱啓乃心沃朕心若藥弗瞑眩厥疾弗

瘳開汝心以沃我心如服藥必瞑眩及其病作除欲其出公言以自警若跣弗視地厥

足用傷跣必視地足乃無傷惟暨乃僚罔不同心以

匡乃辟與汝並官皆當倡率無不同心以庸正汝君俾率先王迪我高后

以康兆民言康正汝君使脩先王之道蹈成湯之蹤以安天下 嗚呼欽予時命

其惟有終敬我是敬修其戕使有終說復于王曰惟木從繩則正

后從諫則聖言木以繩直后克聖臣不命其承君能受諫

則臣不待命其承意而諫之 疇敢不祇若王之休命史記曰武丁夜夢得聖人

名曰說以所見視群臣百吏皆非也於是廼使百工

營求之野得于傳險中是時說為胥靡築于傳險見

于武丁武丁曰是也得而與之語果聖人舉以為相

殷國大治故遂以傳險姓之號曰傳說應邵註漢書

云胥相也靡隨也 言相隨坐刑也

周武王即位太公望為師周公旦為輔召公畢公之

徒左右王師修文王之緒業

康王為太子成王懼太子之不任乃命召公畢公率

諸侯以相太子而立之

穆王命君牙為大司徒穆王康王孫昭王子作君牙君牙臣名王若

曰嗚呼君牙順其事而歎稱其名而命之惟乃祖乃父世篤忠貞



服勞王家厥有成績紀於太嘗言汝父祖世厚忠貞服事勤勞王家其有

成功見記錄書于王之太嘗以表顯之王之旌旗畫日月大嘗惟予小子嗣守文武

成康遺緒亦惟先王之臣克左右亂四方惟我小子繼守先王

遺業亦惟父祖之臣能佐助我治四方言已無所能心之憂危若蹈虎尾涉于

春冰言相業之大已才之弱故心懷危懼虎尾畏噬春冰畏蹈危懼之甚今命爾予翼

作股肱心膂今命汝為我輔翼股肱心膂之臣言委任續乃舊服無忝祖

考弘敷五典式和民則繼汝先祖故所服忠勤無辱累祖考之道大布五嘗之教

用和民令有法則必爾身克正罔敢弗正民心罔中惟爾之中

若汝身能正則下無敢不正民心無中從汝取中必當正身示民以中正夏暑雨小民惟

日怨咨冬祁寒小民亦惟日怨咨夏暑冬寒亦天之嘗道民猶怨嗟

厥惟艱哉思其艱以圖其易民乃寧天不可怨民猶嗟怨治民其惟

難哉當思慮其難以謀其易民乃寧嗚呼丕顯哉文王謨歎文王所不

承哉武王烈言武王業美大可承奉佑啓我後人咸以正罔缺

文武之謀業大明可承奉開助我後嗣皆以正道無邪缺爾惟敬明乃訓用奉若

于先王汝惟當敬明汝五教用奉順于先王之道對揚文武之光命追配

於前人言當恭揚文武光明之命君臣各追配於前令各之人王若曰君牙乃

惟繇先正舊典時式民之治亂在茲汝惟當奉用先正之臣所行故

事典文籍是法民之治亂在此而巳用之則民治之廢之則民亂率乃祖考之攸行

昭乃辟之有乂言當循汝父祖之所行明汝君之有治功

漢高祖初為漢王以沛相蕭何為丞相周勃為御史



大夫守滎陽

二年以大將軍韓信為左丞相與曹參灌嬰擊魏

四年拜中尉周昌為御史大夫後昌為趙相既行久

之高祖持御史大夫印弄之曰誰可以為御史大夫

者趙堯曰無以易堯也易代也遂拜堯為御史大夫

五年將軍盧縮為太尉九月為燕王

十年高祖自將討陳豨音許反于代舞陽侯樊噲以功

遷左丞相

十一年淮陰侯韓信謀反關中呂后用丞相蕭何計

誅信高祖在邯鄲聞之使使拜丞相為相國絳侯周

勃為太尉

惠帝二年七月相國蕭何薨以齊相曹參為相國初

何病帝親自臨視何病因問曰百歲後誰可代君對

曰知臣莫若主帝曰曹參何如須臾曰帝得之矣何

死不恨矣及何薨參聞之告舍人趣治行舍人私屬官主家事

者趣音湏速也治行謂脩治行裝也吾且入相居無何使者果召參

六年十月以安國侯王陵為右丞相曲逆侯陳平為

左丞相

文帝元年以太尉勃為右丞相位第一左丞相平為

丞相位第二秦漢以前尊右而卑左以丞相灌嬰為太尉初勃

親以兵征呂氏功多年欲讓勃迺謝病帝怪問之平曰高帝時勃功不如臣又誅諸呂臣功亦不如勃願以相讓勃帝從之勃自知其能弗如平迺謝免相而平顯為丞相顯與專同

三年十月平薨帝復用勃為相

三年十二月丞相勃就國以太尉潁陰侯灌嬰為丞相罷太尉官屬丞相

四年十二月丞相嬰薨以御史大夫張蒼為相初蒼

代平陽侯曹窋音竹律切為御史大夫窋代廣阿侯任敖

代江邑侯趙堯任敖張倉曹窋為御史大夫皆呂后稱制附于此篇

七年以典客馮敬為御史大夫

十六年以淮陽守申屠嘉為御史大夫

後元二年八月丞相蒼免帝以皇后弟竇廣固有賢

行欲相之曰恐天下以吾私廣固久念不可而高帝

時大臣餘見無可者見謂見在之人乃以御史大夫申屠嘉

為丞相因故邑封為故安侯是月以開封侯陶青為

御史大夫

景帝二年六月丞相嘉薨八月以御史大夫陶青為

丞相左內史晁錯為御史大夫

七年六月丞相青免太尉周亞夫為丞相太尉劉舍

為御史大夫

中元三年九月丞相亞夫免御史大夫劉合為丞相

太子太傅衛綰為御史大夫

後元元年七月丞相舍免八月御史大夫衛綰為丞

相衛尉直不疑為御史大夫三年死

武帝建元元年六月丞相綰免魏其侯竇嬰為丞相

齊相牛抵為御史大夫

二年十月丞相嬰免三年太嘗許昌為丞相

四年武強侯莊青翟為御史大夫三年免

六年六月丞相昌免武安侯田蚡為丞相大農令韓

安國為御史大夫四年病死

元光元年三月丞相蚡薨五月平棘侯薛澤為丞相

中尉張敖為御史大夫五年病死

元朔三年左內史公孫弘為御史大夫

五年十一月丞相澤免御史大夫公孫弘為丞相四

月河東太守九江番係為御史大夫

元狩元年樂安侯李蔡為御史大夫

三年二月丞相弘薨御史大夫李蔡為丞相御史張

湯為御史大夫六年有罪自殺

五年三月丞相蔡有罪自殺四月太子少府翟青擢



為丞相

元鼎元年二月丞相翟青有罪自殺太子太傅趙周

為丞相太子太傅石慶為御史大夫

五年九月丞相周下獄死御史大夫石慶為丞相

六年齊相卜式為御史大夫

一年貶為太子太傅

元封元年左內史倪寬為御史大夫

八年卒

太初二年正月丞相石慶薨閏月太僕公孫賀為丞

相

六年正月膠東太守延廣為御史大夫

天漢元年濟南太守瑯琊王卿為御史大夫

二年有罪自殺

二年二月執金吾莊周為御史大夫

四年卒

征和二年四月丞相賀下獄死五月涿郡太守劉屈

釐為左丞相

九月大鴻臚商丘成為御史大夫

四年坐說誣自殺

三年六月大鴻臚丞相屈釐下獄死

四年六月大鴻臚田千秋為丞相

後元元年二月治粟都尉桑弘羊為御史大夫

七年坐謀

反誅

昭帝元鳳元年右扶風王訢為御史大夫

四年正月丞相千秋薨二月御史大夫王訢為丞相



大司農楊敞為御史大夫

五年十二月丞相訢薨六年十一月御史大夫楊敞為丞相少府蔡義為御史大夫

元平元年八月丞相敞薨九月御史大夫蔡義為丞相宣帝本始三年六月丞相義薨長信少府韋賢為丞相大司農魏相為御史大夫

地節三年五月丞相賢免六月御史大夫魏相為丞相太子太傅丙吉為御史大夫

神爵三年三月丞相魏相薨御史大夫丙吉為丞相七月大鴻臚蕭望之為御史大夫

三年貶為太子太傅

五鳳元年八月太子太傅黃霸為御史大夫

三年正月丞相吉薨二月御史大夫黃霸為丞相六月西河太守杜延年為御史大夫

三年以病免

甘露二年五月廷尉于定國為御史大夫丞相霸薨五月御史大夫于定國為丞相

三年三月太僕陳萬年為御史大夫

七年卒

元帝永初元年六月長信少府貢禹為御史大夫十二月禹卒長信少府薛廣德為御史大夫

三年免

永光元年七月太子太傅韋玄成為御史大夫十一月丞相定國免

二年三月以玄成爲丞相右扶風鄭弘爲御史大夫

五年有罪自殺

建昭二年光祿勳衡姓犯太祖廟諱上字下同爲御史大夫初衡

爲少傅數年數上疏陳便宜及朝廷有政義傳經以

對傳讀曰附言多法義以爲任公卿任堪也繇是爲光

祿勳御史大夫

三年六月丞相玄成薨七月御史大夫衡爲丞相衛

尉李延壽爲御史大夫三年卒一作繫

章寧元年三月太子少傅張譚爲御史大夫三年卒選舉不

實免

成帝建始三年十月光祿大夫尹忠爲御史大夫一年

坐河決自殺

十二月丞相衡免

四年三月右將軍王商爲丞相

十一月少府張忠爲御史大夫六年卒

河平四年丞相商免六月光祿大夫張禹爲丞相

陽朔二年四月侍中太僕王音爲御史大夫一年遷

鴻嘉元年正月少府薛宣爲御史大夫三月丞相禹

免四月以薛宣爲丞相京兆尹王駿爲御史大夫五年

卒初駿爲少府帝欲大用之出駿爲京尹試以政事



而薛宣從左馮翊代駿為少府會御史大夫杜欽谷

丞奏言聖王不以名譽加於實效言不聽考績用人

之法言用人之法皆須考以功績薛宣政事已試上然其議宣為

少府月餘遂超御史大夫至丞相駿乃代宣為御史

大夫

永始二年三月京兆尹翟方進為御史大夫

十月丞相宣免十一月執金吾翟方進為丞相是歲

方進為御史大夫坐為京兆尹時奉喪事煩擾百姓

左遷執金吾二十餘日丞相官缺群臣舉方進帝亦

器其能擢方進為丞相封高陵侯食邑千戶是月以

光祿勳孔光為御史大夫七年貶為廷尉

綏和元年三月廷尉何武為御史大夫四月更為大

司空一年免大司馬驃騎大將軍王根為大司馬罷將

軍官七月免

十一月光祿大夫王莽為大司馬

二年三月丞相方進薨召左將軍光當拜已刻侯印

書贊贊進也延進而拜之書贊者書贊辭于策也帝不豫即其夜於大行

前拜授丞將博山侯印綬

十一月大司馬王莽免大將軍師丹為大司馬徙為

大司空一年免

哀帝建平元年四月侍中傅嘉為大司馬十月京兆尹朱博為大司空

二年三月傅嘉免四月甲午大司馬朱博復為御史

大夫乙未丞相孔光免復以博為丞相中尉趙玄為

御史大夫五月玄下獄論八月博有罪自殺九月光

祿勳平當為御史大夫十二月當為丞相京兆尹王

嘉為御史大夫初平當為光祿大夫諸吏散騎復為

光祿勳御史大夫至丞相以冬月賜爵關内侯明年

春帝使使者召欲封當以冬月非侯時故且先賜爵關内侯也而當薨

三年四月御史大夫王嘉為丞相河南太守崇為御

史大夫九月

四年三月光祿勳賈延為御史大夫一年

元壽元年三月丞相嘉下獄死五月光祿大夫孔光

為御史大夫七月以光為丞相泥鄉侯何武為御史

大夫二月八月光祿大夫彭宣為御史大夫

三年更名丞相孔光為大司徒大司馬衛將軍董賢

為大司馬六月免御史大夫彭宣為大司空三月

平帝元始元年六月大司徒孔方為太傅右將軍馬

宮為大司徒新都侯王莽為大司馬八月右將軍王

崇為大司空



二年太傅孔光為太師太司馬王莽為太傅驃騎將軍王舜為太保二月少府甄豐為大司空

五年四月大司徒官為大司馬十二月長樂少府平晏為大司徒

東漢光武建武元年七月辛未使使者持節拜前將軍鄧禹為大司徒策曰制詔前將軍禹涉執忠孝與朕謀謨帷幄決勝千里孔子曰自吾有回門人日親近將軍破平定山西功效尤著百姓不親五品不遜汝作司徒敬敷五教在寬今遣奉車都尉授封為鄴侯食邑萬戶敬之

禹時年二十四

丁丑以野王令王梁為大司空初議選大司馬而赤

伏符口王梁主衛作玄武帝以野王衛之所徙

史記衛文

君自濮陽徙于野王

玄武水神之名司空水土之官也

拜

八月甲申詔曰前密令卓茂束身自修執節淳固誠能為人所不能為大名冠天下當受天下重賞故武王誅紂封比干之墓表商容之間今以茂為太傅封褒德侯邑二千戶

東觀記及續漢書皆作宣德侯

初帝即位先求訪

茂茂詣河陽謁見乃拜

弘爲大司空封桐邑侯

三年閏正月乙巳大司徒鄧禹免三月壬寅以大司徒司直伏湛爲司徒初帝卽位素知湛名儒舊臣欲令幹任內職徵拜爲書使典定舊制時大司徒鄧禹西征關中帝以湛才任宰相拜爲司直行大司徒事車駕每出征伐嘗畱鎮守總攝群司及鄧禹免乃拜大司徒

五年十一月壬寅大司徒伏湛免尚書令侯霸爲大司徒封關內侯

六年十二月壬辰大司空宋弘免

七年五月戊戌前將軍李通爲大司空時光武方以吏事責三公故功臣竝不用是時列侯惟高密鄧禹膠東賈復及通三侯與公卿參議國家之事

十二年九月大司空李通罷十二月辛卯揚武將軍馬成行司空事

十三年正月庚申大司徒侯霸薨三月辛未沛郡太守韓歆爲大司徒丙子行大司空事馬成罷四月甲寅冀州牧竇融爲大司空

十五年正月辛丑大司徒韓歆免自殺丁未汝南太守歐陽歙爲大司徒十一月歙下獄死十二月庚午

關内侯戴涉為大司徒

二十年四月庚辰大司徒戴涉下獄死大司空竇融

免六月庚寅廣漢太守蔡茂為大司徒太僕朱浮為

大司空

二十一年十月壬子大司空朱浮免癸丑以光祿勳

杜林為大司空

二十三年五月丁卯大司徒蔡茂薨八月丙戌大司

空杜林薨九月辛未陳留太守玉况玉音為大司徒

十月丙申太僕張純為大司空

二十七年四月戊午大司徒玉况薨

五月丁丑詔大司徒司空府竝去太字改大司馬為

太尉以太僕趙熹為太尉大司農馮勤為司徒

中元元年三月戊辰司空張純薨六月辛卯太僕馮

勤為司空乙未司徒馮勤薨十月辛未司隸較尉李

訢為司徒

明帝即位初詔曰方今上無天子下無方伯若涉澗

水而無舟楫夫萬乘至重而壯者慮輕實賴有德左

右小子高密侯禹元功之首東平王蒼寬博有謀竝

可以受六尺之託臨大節而不可撓其以禹為太傅

蒼為驃騎將軍

永平三年二月甲寅太尉趙熹司徒李新免丙辰左  
馮翊郭丹爲司徒己未南陽太守虞延爲太尉

四年十月乙卯司徒郭丹司空馮魴免丙辰河南尹  
范遷爲司徒太僕伏恭爲司空時帝臨立辟雍於行  
禮中拜恭儒者以爲榮

八年正月乙卯司徒范遷薨三月辛卯太尉虞延爲  
司徒衛尉趙熹行太尉

十二年七月乙亥司空伏恭罷乙未大司農牟融爲  
司空

十四年三月甲戌司空虞延免四月丁巳鉅鹿太守

邢穆爲司空

十六年五月癸丑司徒邢穆坐事下獄死六月丙寅  
大司農王敏爲司徒

十七年二月乙巳司徒王敏薨三月癸丑汝南太守  
鮑昱爲司徒

章帝卽位初詔曰朕以眇身託於王侯之上統萬機  
懼失厥中兢兢業業未知所濟深唯守文之主必見  
師傅之官詩不云乎不愆不忘率繇舊章行太尉事  
節鄉侯趙憙三世在位爲國元老司空牟融典職六  
年勤勞不怠其以憙爲太傅融爲太尉竝錄尚書事



武帝初以張子孺領尚書事錄尚書繇此也 以蜀郡太守第五倫為司空

建初四年二月庚寅太尉牟融薨五月甲戌司空鮑昱為太尉南陽太守桓虞為司徒

六年六月丙辰太尉鮑昱薨七月癸巳大司農鄧彪為太尉

元和元年八月甲子太尉鄧彪罷大司農鄭弘為太尉

三年四月太尉鄭弘免大司農宋繇為太尉

五月丙子司空第五倫罷太尉袁安為司空

章和元年六月戊辰司空桓虞免癸卯司空袁安為

司徒光祿勳任隗為司空

和帝即位初以故太尉鄧彪為太尉錄尚書事

永元四年二月癸丑司徒袁安薨閏月丁丑太嘗丁

鴻為司徒七月己丑太尉宋繇坐黨竇憲自殺八月

辛亥司空任隗薨癸丑大司農尹睦為太尉錄尚書

事十月宗正劉方為司空

五年十月辛未太尉尹睦薨十一月乙丑太僕張酺

為太尉

六年正月乙卯司空丁鴻薨二月丁未司空劉方為

司徒太嘗張奮為司空

命相一 卷之七十一

九年九月庚申司徒劉方策免十一月癸丑光祿勳  
呂蓋為司徒十二月丙寅司空張奮罷壬申太僕韓  
穆為司空

十年七月己巳司空韓穆為司徒八月丙子太嘗巢  
堪為司空

十二年九月戊午太尉張酺免丙寅大司農張禹為  
太尉

十三年十一月戊辰司徒呂蓋罷十二月丁丑光祿  
勳魯恭為司徒

十四年十月丁酉司空巢堪罷十一月癸丑大司農  
徐防為司空

十六年七月辛酉司徒魯恭免庚午光祿勳張酺為  
司徒八月己酉酺薨十月辛卯司空徐防為司徒陳  
寵為司空

殤帝延平元年正月辛卯太尉張禹為司空徐防為  
太尉參錄尚書事百官總已以聽

四月丙寅司空陳寵罷六月丁未太常尹勤為司空

安帝永初元年五月甲戌長樂衛尉魯恭為司空

九月庚午太尉徐防免辛未司空尹勤太傅張禹為  
太尉太嘗周章為司空十一月丁未章謀廢立策免



自殺十二月巳卯潁州太守張敏爲司空

三年三月壬寅司徒魯恭免四月丙寅大鴻臚夏勤爲司徒

五年五月巳丑太尉張禹免甲申光祿勳李脩爲司空

六年四月乙丑太尉李脩罷乙卯太嘗劉愷爲司空元初元年九月乙丑太尉李脩罷乙未大司農司馬

苞爲太尉

二年六月丙戌太尉司馬苞薨七月辛巳太僕馬英爲太尉十二月巳酉司徒夏勤罷庚戌司空劉愷爲

司徒光祿勳袁敞爲司徒

四年四月戊申司空袁敞薨五月丁丑太常李郃爲司空

永寧元年十月司空李郃免辛酉衛尉陳襄爲司空十二月戊辰司徒劉愷罷癸酉太嘗楊震爲司徒

建光元年七月壬寅太尉馬英薨甲子前司徒劉愷爲太尉

延光元年四月癸巳司空陳褒免五月庚戌宗正劉授爲司空

二年十月辛未太尉劉愷罷甲戌司徒楊震爲太尉

光祿劉熹為司徒

四年三月乙酉北鄉侯即位四月丁酉太尉馮石為太傅司徒劉熹為太尉參錄尚書事前司空李邵為司徒

順帝即位初司空劉授免少府陶敦為司空

永建元年正月辛巳太傅馮石太尉劉熹為司徒李邵免三月丙戌太嘗桓焉為太尉大鴻臚朱寵為太尉參錄尚書事長樂少府朱倂為司徒

十月丁亥司空陶敦免壬寅廷尉張皓為司空

二年七月壬午太尉朱寵司徒朱倂罷庶子太嘗劉

光為太尉錄尚書事光祿勳許敬為司徒

四年八月丁巳太尉劉光為司空張皓免癸丑大鴻臚龐參為太尉時尚書僕射虞詡薦參有宰相器能故帝用之又以太嘗王龔為司空

十一月庚辰司空許敬免十二月乙卯宗正劉琦為司徒

陽嘉二年五月戊午司空王龔免六月辛未太嘗孔扶為司空七月己未太尉龐參免八月己巳大鴻臚施延為太尉

三年十一月司徒劉琦司空孔扶免大司農黃尚為

司徒光祿勳王卓為司空

四年四月大尉施延免前太尉龐參為太尉

永和元年十一月丙子太尉龐參罷十二月乙巳前

司徒王龔為太尉

二年三月乙卯司空王卓薨丁丑光祿勳郭度為司

空

三年八月巳未司徒黃尚免九月巳酉光祿勳劉疇

為司徒

五年九月辛未太尉王龔罷壬午太嘗桓焉為太尉

六年三月庚子司空郭度免丙午太僕趙戒為司空

漢安帝元年十月辛未太尉桓焉司空劉疇免十一

月壬午司隸較尉趙俊為太尉大司農胡廣為司徒

冲帝永嘉元年即位初以太尉趙俊為太傅大司農

李固為太尉參錄尚書事

質帝本初元年閏六月丁亥太尉李固免戊子司空

胡廣為太尉司空趙戒為司徒與大將軍梁冀錄尚

書事太僕袁湯為司空

桓帝建元元年六月太尉胡廣罷大司農杜喬為太

尉九月喬免十月司徒趙戒為太尉司空袁湯為司

徒前太尉胡廣為司空



二年十月太尉趙戒免司徒袁湯為大司農張歆為司徒

元嘉元年四月司徒張歆罷光祿勳吳雄為司徒

十月司徒胡廣罷閏十一月太嘗黃瓊為司空

二年十一月司空黃瓊罷十二月特進趙戒為司空

永興元年十月太尉袁湯薨司徒吳雄罷司空趙戒

免以太嘗胡廣為太尉太僕黃瓊為司徒光祿房植

為司空

二年九月太尉胡廣免司徒黃瓊為太尉閏月光祿

勳尹頌為司徒

永壽元年六月司空房植免太常韓演音異善反為司空

三年十一月司徒尹頌薨司空韓演為司徒孫朗為

司空

延熹元年七月甲子太尉黃瓊免太嘗胡廣為太尉

二年八月丁丑太尉胡廣坐梁冀免司徒韓演司空

孫朗下獄以司農黃瓊為太尉光祿大夫祝恬為司

徒大鴻臚盛允為司空

三年六月司徒祝恬薨以司空盛允為司徒太嘗虞

放為司空

四年二月司徒盛允免大司農种暠為司徒

三年二月太尉黃瓊免四月太常劉矩為太尉

六月司空虞放免前太尉黃瓊為司空九月瓊免大

鴻臚劉寵為司空

五年十一月太尉劉矩免太守楊秉為太尉

六年二月戊午司徒种暠免三月衛尉許相為司徒

十一月司空劉寵免十二月衛尉周景為司空

八年五月丙戌太尉楊秉薨七月大中大夫陳蕃為

太尉

十月司空周景免太嘗劉茂為司空

九年四月司徒許翔免五月太嘗胡廣為司徒

七月太尉陳蕃免九月光祿勳周景為太尉司空劉

茂免十二月光祿勳宣酆為司空

靈帝建寧元年正月即位以前太尉陳蕃為太傅與

竇武及司徒胡廣參錄尚書事

四月戊辰太尉周景薨司空宣酆免以長樂衛尉王

暢為司空

五月以大中大夫劉矩為太尉

八月司空王暢免宗正劉寵為司空

九月丁亥太尉陳蕃誅司徒胡廣為太傅錄尚書事

司空劉寵為司徒大鴻臚許翔為司空

十一月太傅劉矩免太僕聞人襲為太尉

十二月司空唐珍罷長樂少府許訓為太尉

五年五月太尉陳耽罷司空許訓為太尉六月太嘗

劉逸為司空

七月太尉許訓罷光祿勳劉寬為太尉

十月司徒袁隗罷十一月光祿大夫楊暢為司徒

七年六月司空劉逸免衛尉陳球為司空

十月太尉劉寬免

十一月司空陳球免十二月太嘗孟馘音乙為太尉

太嘗陳耽為司空司徒楊暢免

光和元年正月太尉孟馘罷二月光祿勳袁滂為司  
徒三月太嘗張顥為太尉

四月司空陳耽免太嘗來豔為司空

九月太尉張顥罷太嘗陳球為太尉司空來豔薨十

月屯騎較尉袁逢為司空

十一月太尉陳球免十二月光祿大夫喬玄為司空

二年二月司徒袁滂免大鴻臚劉洽為司徒大尉喬

玄罷大中大夫段熲為太尉司空袁逢罷太嘗張濟

為司空

四月太尉段熲下獄死五月衛尉劉寬為太尉十月



司徒劉郃下獄死十二月光祿勳楊暢為司徒

四年九月太尉劉寬免衛尉許馡為太尉

閏月司徒楊暢罷十月太嘗陳耽為司徒

五年三月司徒陳耽免四月太嘗袁隗為司徒

十月太尉許馡罷太嘗楊暢為太尉

中平元年四月太尉楊暢免太僕鄧盛為太尉司空

張濟罷大司農張溫為司空

二年二月司徒袁隗免三月廷尉崔烈為司徒

五月太尉鄧盛免太僕張延為太尉

八月司空張溫為車騎將軍討北宮伯玉

九月特進楊賜為司空十月暢薨光祿大夫許相為  
司空

三年二月太尉張延罷車騎將軍張溫為太尉

四年四月太尉張溫免司徒崔烈為太尉

五年司空許相為司徒光祿勳丁宮為司空

十一月太尉崔烈罷大司農曹嵩為太尉

五年四月曹嵩罷五月永樂少府樊陵為太尉六月

陵罷七月射聲較尉馬日磾為太尉

八月司徒許相罷司空丁宮為司徒光祿勳劉弘為

司空

六年四月太尉馬日磾免幽州牧劉虞為太尉

弘農王光熹元年四月即位以後將軍袁隗太傅何

進參錄尚書事七月司徒丁宮罷八月司空劉弘免

獻帝永漢元年九月即位以太尉劉虞為大司馬董

卓自為太尉大中大夫楊彪為司空豫州牧董璠為

司徒

十一月董卓為相國

十二月司徒董璠為太尉司空楊彪為司徒光祿勳

荀爽為司空

初平元年二月太尉董璠司徒楊彪免光祿勳趙謙

為太尉太僕王允為司徒

二月董卓殺太傅袁隗

五月司空荀爽薨六月光祿大夫种拂為司空

二年二月董卓自為太師

七年司空种拂免光祿大夫淳于嘉為司空太尉趙

謙罷太嘗馬日磾為太尉

三年四月誅董卓以司徒王允錄尚書事總朝政

六月李傕殺司徒王允以前將軍趙謙為司徒

七月太尉馬日磾為太傅錄尚書事車騎將軍皇甫

嵩為太尉司徒趙謙罷九月司空淳于嘉為司徒光

祿大夫楊彪為司空竝錄尚書事

十二月太尉皇甫嵩免光祿大夫周忠為太尉參錄尚書事

四年六月太尉周忠免太僕朱雋為太尉錄尚書事  
十月司空楊彪免太嘗趙溫為司空十二月溫免衛尉張喜為司空

興平元年七月太尉朱雋免太嘗楊彪為太尉錄尚書事

九月司徒淳于嘉罷十月衛尉趙溫為司徒錄尚書事

建安元年八月鎮東將軍曹操自領司隸較尉錄尚書事

九月太尉楊彪司空張喜罷

十一月曹操自為司空行車騎將軍百官總已以聽  
十三年正月司空趙溫免

六月罷三公官置丞相御史大夫以司空曹操為丞相

八月光祿勳郗慮為御史大夫

二十五年正月丞相魏王曹操薨子丕襲位

魏文帝初為魏王延康元年二月以大中大夫賈詡

為太尉御史大夫華歆為相國大理王朗為御史大夫

黃初元年十一月受禪改相國為司徒御史大夫為司空

四年六月甲申太尉賈詡薨八月丁卯廷尉鍾繇為太尉繇與司徒華歆司徒王朗竝先世名臣文帝罷朝謂左右曰此三公者乃一代之偉人也後世殆難繼矣

明帝即位初以太尉鍾繇為太傅征東大將軍曹休為大司馬華歆為太尉司空王朗為司徒鎮東將軍

陳群為司空

太和二年九月大司馬曹休薨

十一月司徒王朗薨

四年二月以大將軍曹真為大司馬

四年太傅鍾繇薨

五年正月大司馬曹真薨

十二月大尉華歆薨

六年七月衛尉董昭為司徒

青龍三年正月戊子以大將軍司馬懿為太尉

四年五月司徒董昭薨



十二月司空陳群薨

景初元年六月巳亥以尚書令陳矯爲司徒尚書左僕射衛臻爲司空七月司徒陳矯薨

三年二月癸卯詔曰大中大夫韓暨澡身浴德志節高潔年踰八十守道彌固可謂純篤老而益劭者也其以暨爲司徒四月庚子暨薨十一月壬午以司空衛臻爲司徒司隸較尉崔林爲司空

齊王卽位以太尉司馬懿爲太傅輔政詔曰太尉體道正直盡忠三世南擒孟達西破蜀虜東滅公孫淵功蓋海內昔周成建保傅之官近漢顯宗崇寵鄧禹

所以優隆舊人心有尊也其以太尉爲太傅持節統兵都督諸軍事如前又以征東將軍滿寵爲太尉

正始三年太尉滿寵薨七月以領軍將軍薛濟爲太尉

五年二月崔林薨

六年二月丙子以驃騎將軍趙儼爲司空六月儼薨八月丁卯以太尉高柔爲司空

九年三月甲午司徒衛臻遜位四月以司空高柔爲司徒光祿大夫徐邈爲司空邈固辭不受九月以車騎將軍王凌爲司空

嘉平元年正月丁未以太傅司馬昭爲丞相固讓乃

止

四月太尉蔣濟薨十二月以司空王凌爲太尉司隸

較尉孫禮爲司空

二年十一月司空孫禮薨

三年三月以尚書令司馬孚爲司空五月太尉王凌

謀廢立自殺七月以司空司馬孚爲太尉太傅司馬

懿薨以衛將軍司馬師爲撫軍大將軍錄尚書事十

二月以光祿勳鄭冲爲司空

高貴鄉公正元二年正月司馬師薨于許昌

二月以衛將軍司馬昭爲大將軍錄尚書事

甘露元年八月以太尉司馬孚爲太傅

九月以司徒高柔爲太尉

十月以司空鄭冲爲司徒尚書左僕射盧毓爲司空

二年三月司空盧毓薨四月以征東大將軍諸葛誕

爲司空誕不就徵反誅

三年五月大將軍司馬昭爲相國封晉公固讓不受

八月以驃騎將軍王昺爲司空

四年六月司空王昺薨

五年四月進大將軍司馬昭位爲相國封晉公九讓

乃止

陳畱王景元元年六月又進大將軍司馬昭位爲相  
國封晉公固讓乃止以尚書右僕射王觀爲司空十  
月觀薨十二月以司隸較尉王祥爲司空  
四年九月高柔薨十月復命大將軍司馬昭進位相  
國晉公十二月以司徒鄭冲爲太保

五年五月以征西將軍鄧艾爲太尉鎮西將軍鍾會  
爲司徒

咸熙元年正月司徒鍾會反於蜀太尉鄧艾亦見殺  
三月以司空王祥爲大尉征北將軍何曾爲司徒尚

書左僕射荀勗爲司空八月庚寅命中撫軍司馬炎  
副貳相國事

二年八月辛卯相國晉王薨晉太子炎襲位總攝百  
揆

晉武帝泰始元年十二月卽皇帝位以魏太保鄭冲  
爲太傅太尉王祥爲太保晉國丞相何曾爲太尉  
二年九月以太尉何曾爲太保詔曰謨明弼諧王躬  
是保所以宣崇大訓克成四海也侍中太尉曾立德  
高俊執心忠亮博物洽聞明識弘遠翼佐先皇勲庸  
顯著朕纂洪業首相王室迪惟前人施于朕躬實佐

命興化光贊政道夫三司之任雖左右王事乃若予  
違汝弼救其不逮則存乎保傳故將明衮職未知用  
又厥辟之重其以曾爲太保侍中如故又以司空荀  
覲爲司徒詔曰昔禹命九官契敷五教所以弘崇王  
化示人軌儀也朕承弘業昧于大道思訓五品以康  
四海侍中司空覲明允篤誠思道通達翼亮先皇遂  
輔朕躬實有佐命弼道之勲宜掌教典以隆時雍其  
以覲爲司徒又以義陽王望爲太尉

四年正月辛未詔曰夫三司之任以翼宣皇極弼王  
事者也故經國論道賴諸明喆苟非其人官不虛備  
尚書令佐命光祿大夫裴秀雅量弘博思心通達先  
帝登庸贊事先朝朕受明命光佐大業勲德茂著配  
蹤元凱宜正位居體以康庶績其以秀爲司空

五年詔曰前大司馬石苞忠允清亮才經世務幹用  
之績所歷可紀掌教典以贊時政其以苞爲司徒有  
司奏苞前者折撓不堪其任以公還第已爲弘厚不  
宜擢用詔曰吳人輕脆終無能爲故疆場之事但欲  
完固守備使不得越逸而已以苞計畫不同慮敵過  
甚故徵還更授昔鄧禹撓於關中而終輔漢室豈以  
一青而掩大德哉於是就位初苞以大司馬都督揚



州諸軍事淮北監軍王琛輕苞素微密表苞與吳人交通遂下詔苞以不料賊勢築壘過水勞擾百姓策免其官以樂陵郡公還第時鄴奚官都督郭異上奏理苞於是拜爲司徒

七年十二月詔曰光祿大夫密陵侯鄭袤履行純正守道冲粹退有清和之氣進有素絲之節宜登三垣之曜補袞職之闕今以袤爲司空帝臨軒遣五官中郎將國垣就第拜授袤前後辭讓遣息稱上送印綬至於十數久之見許以侯就第  
八年七月以車騎將軍賈充爲司空

九年五月以太保何曾領司徒

十年九月以大將軍陳騫爲太尉

咸寧二年八月以太保何曾爲太傅太尉陳騫爲司馬司空賈充爲太尉齊王攸爲司空

四年九月以太傅何曾爲太宰尚書令李喬爲司徒  
太康三年十二月司空齊王攸爲大司馬汝南王亮爲太尉光祿大夫山濤爲司徒尚書令衛瓘爲司空  
四年十一月以尚書左僕射魏舒爲司徒  
太熙元年正月以尚書左僕射王潭爲司徒司空衛瓘爲太保三月以右光祿大夫石鑒爲司空

四月以侍中車騎將軍楊駿為太尉都督中外諸軍錄尚書事

惠帝即位初以今太尉楊駿為太傅輔政以司空石

鑒為太尉前鎮西將軍隴西王泰為司空

永平元年三月誅太傅楊駿徵大司馬汝南王亮為

太宰與太保衛瓘輔政

元康元年六月賈后矯詔使楚王瑋殺亮瓘以司空

隴西王泰錄尚書事

九月徵征西大將軍梁王彤為衛將軍錄尚書事

六年正月以中書監張華為司空

七年九月以尚書左僕射王戎為司空

永寧元年六月以梁王彤為太宰領司徒

臣欽若等曰自永康

元年四月至是年三月趙王倫等篡逆所署三公不錄

太安元年五月以右光祿大夫劉寔為太傅齊王冏

為太師東海王越為司空河間王顥為太尉十二月

殺齊王冏以長沙王乂為太尉都督中外諸軍事

永興元年正月以成都王為丞相

三月以太尉河間王顥為太宰太傅劉寔為太尉

十二月詔司空越為太傅與太宰顥夾輔朕躬司徒

王戎叅錄朝政

元熙元年八月以太傅東海王越錄尚書事驃騎將軍范陽王彪為司空

懷帝即位初以中書監温羨為司徒尚書左僕射王衍為司空

永嘉元年正月以太傅東海王越輔政

三月以前太傅劉寔為太尉

三年三月太尉劉寔請老以司徒王衍為太尉東海王越領司徒

四年十月以驃騎將軍王浚為司空

五年五月征西大將軍南陽王模為太尉太子太傅

任祗為司徒尚書令荀藩為司空

愍帝建興元年四月即位以衛將軍梁芬為司徒

五月以鎮東大將軍瑯琊王睿為侍中大丞相大司徒南陽王保為右丞相

二年二月以衛將軍荀組為司空


三年二月進左丞相瑯琊王睿為大都督中外諸軍事右丞相南陽王保為相國司空荀組為太尉大將軍劉琨為司空

册府元龜

册府元龜

帝王部

刑部元記  
 命相三  
 卷之七十一  
 刑部元記  
 命相三  
 卷之七十一



刑部元記  
 命相三  
 卷之七十一

